

FASNACHT 1994



SCHINEBLOOSER-WAGGIS

Zämme rugge, nit verdrugge

S'Spalendor am Märtplatz unde,
au s'Minschter hämmer derte gfunde.
Dr Tinguely-Brunne wird au verschobe,
stoht uff dr Pfalz, luegt zu de Schwobe.
Uss dr Barfi-Kirche wird dr Märtplatz-Dom.
Dr Birsig wird e riese Strom.
Alles isch ganz zämme gruggt,
es wirkt im Bild e bitz verdruggt.
Kai Angscht das sin nur Fasnachts-Visione,
so quasi de Schineblooser ihri Impressione,
wo sich fir d'Stadt nit wurde lohne,
leeri Kasse, kaini Millione
die ney Regierig die muess me schoone.
Das gilt fir alli wo z'Basel wohne.
Im Gaischt dien mer is nit verdrugge,
nai s'Basel duet me zämme rugge.
Dr Uffschwung startet in dim Kopf,
hesch's nonig gmerggt, du arme Tropf.
Goh't's dr glich wie mir,
hesch's langsam satt?
En Uffschwung findet im Gäldseggel statt.
Genau, hesch rächt, lo di nit verdrugge,
mer dien halt aifach zämme rugge.
Uff eme Plakat stoht
«Mi Frind isch Glaihasler» gschriebe.
Wo sin denn unseri Tugende blibe?
Bebbi ziehsch di zugg, duesch di verdrugge?
Nai z'Basel muess me zämme rugge.
Wo sin denn d'Optimische blibe?
Wo ane het's die denn vertriebe?
Zämme rugge, nit verdrugge,
aber au nit alles schlugge.
Mien mir Bebbi nit wieder lehre,
sich mitenand für ebbis z'wehre?
I glaub s'isch klar, was mir wänn sage:
Alli mien Verantwortig trage.
Dr neyi Trend uss «deutschem Land»
isch e bodeloosi Schand.
Die Horror Zeiche uff de Wappe,
dörfe jo nit ibere schwappe.
Bebbi wach uff, nit verdrugge!
Verstohsch worum mir mien
zämme rugge?

Härzlige Dangg au an unseri Sponsore

Drugg:



Krebs AG
In dr Dalbevorstadt 56
Tel. 061 272 97 23

Bapyr:
druggt uf «Sunikote», 125 mg/
vo Guyenne Papiers geliefert
Walter Bucherer
Inter Papier Agentur, Wintersingen

Farbe:
Europa Skala vo
K+E in Baar

Lithos:
Litho 2000 AG
Schützematstr. 31